



## *D Töifferhööli*

*Die bräiti Hööli im e Band  
us Nagelflue im Schattetobel daa  
hät nüü nu Wanderer als Psuecher ghaa  
zum churz Verschnuufe vor de gèèche Wand.*

*Si isch bewont gsü vo de Widertöiffer,  
so bibletröi, das d Reformazioon  
und iri Füerer d Revoluzioon  
gfüürcht händ us irer Mitti und die Töiffer*

*verfolgt, im Wälebèèrg verlochet händ  
und dänn versöifft. — Daa händ se si verborge,  
im Töifferloch, im unwägsame Ggländ.*

*Duu, Wanderer, du kännsch iez iri Soorge,  
blüib staa und hilff mit zämetaane Händ  
für Abbitt, Trooscht und für Vergäbig soorge.*